

## Transkription von Urkunde HRO 1389a

Ort, Datierung: Rostock, 1389-05-27

Signatur: Stadtarchiv Rostock, U 1, g, Städtische Verfassung U 4g 1389 Mai 26 [\[online\]](#)

Inhalt: Gebrüder Myrendorp und Vater: Urfehde

Bemerkung: anderes Datum: 26.05.1389

In Godes namen amen . Ik ta(m)me myre(n)dorp sone . ludeke sȳn vader . hinr(ic) vn(de) he(n)neke .  
ok sȳne sonen . bekennen / vn(de) betugen . ope(n)bare i(n) dessem breue . vor al den ghenen de en  
seen edd(er) horen lesen . dat wi mit guden vryen willen . wete(n)/de vn(de) vnbedrungen . vor vs  
vn(de) vor vse eruen boren vn(de) vngeboren louet hebbe(n) . vn(de) loue(n) in dess(em) b(re)ue . den  
Erbare(n) ma(n)nen . / borg(er)mestere(n) . Radma(n)ne(n) to Rozst(ok) vn(de) ere(n)  
nakomely(n)gen i(n) dem sulue(n) rade . borgere(n) vn(de) menheit . ene Ewige stede orueyde / vn(de)  
hebben dar to mit vpperichteden . vyngeren i(n) den hilgen sworn . dat wi vn(de) vse erue(n) . boren  
vn(de) vngeboren . nu(m)mer / to Ewigen tyden . new(er) mit rume new(er) mit Rade . . stilleken  
edd(er) ope(n)bare bi vs edd(er) andere(n) luden . saken willen vn(de) / scholen . . yenig(er)leie wis  
vppe de schicht de an ta(m)me myre(n)dorp geschen is also . dat he in der stad slotte to Rozstok  
gesett(et) . / vn(de) holden wart v(m)me Rof den he den eren dan hadde . dar an de vorb(enomede) rad  
gnade bi dede . vn(de) wi laten se vn(de) alle / de gene . dar des wes ane is vn(de) wesen mach i(n)  
tokome(n)de(n) tyde(n) . aller veyde vn(de) sake efte wi yenighe hadde(n) edd(er) hebb(e)n / mochten  
quid leddich vn(de) los . alle desse vorscr(euen) stucke stede vast . vn(de) vmbrekelik to holde(n)de .  
lowe wi also ta(m)me sone / vor mȳ vn(de) myne erue(n) ludeke sȳn vad(er) hinr(ic) vn(de) he(n)neke  
ok sȳnes sonen vor vs vn(de) vse erue(n) bore(n) vn(de) vngeboren mit / en(er) same(n)de hand vn(de)  
mit vsen medelouere(n) vn(de) wy mit vsen erue(n) . also cord hasenuore h(er)ma(nn) stolle cla(us)  
zelege Joha(n) / Bulle . radma(n)ne to teterow Jacob gysenbergh borg(er) to Rozstok mit en(er)  
same(n)de hand su(n)d(er) yenig(er)leie hulperede vn(de) argelist / des to beka(n)tnisse vn(de) grȳt(er)  
bewari(n)ge so hebbe wi medelouere vorben(omet) vse i(n)gezegele mit willen vn(de) witscop heng(et)  
vor / dess(en) bref . Gheue(n) vn(de) screue(n) to Rozstok na Godes bord drutteynhu(n)dert Jn deme  
negene vn(de) achte(n)tigsten iare Jn / deme aue(n)de der he(m)meluad vses heren . /